

## E-LEER

La Rochelle beskou tegnologie nie as die doel opsigself nie, maar wel dat tegnologie die *hulpmiddel* is waarmee *effektiewe leer* op alle vlakke bereik kan word.

### BREë DOELSTELLINGS:

La Rochelle wil:

- alle leerders voorberei om tegnologie vaardig te wees in die eeu waarin ons leef.
- nuwe en bestaande rekenaartoerusting optimaal benut in die leerproses van leerders.
- effektiewe leer bevorder deur toenemend van tegnologie gebruik te maak.
- die kurrikulum en tegnologie in 'n groter mate met mekaar integreer.
- kommunikasie tussen leerders en leerkragte, asook tussen leerders self uitbrei en versterk deur van alle moontlike tegnologie gebruik te maak.
- die werk van leerkragte en leerders op alle moontlike vlakke vergemaklik en bespoedig deur van tegnologie gebruik te maak.
- leer meer *leerdergesentreerd* maak – m.a.w. die beginsel bevorder dat leerders hulle eie kennis kan skep.
- ook die gebruik van gevorderde tegnologie gebruik om die bemerkbaarheid van die skool te verhoog.

### SPESIFIEKE DOELSTELLING VAN E-LEER IN LA ROCHELLE IS OM:

- 'n nuwe manier van leer te bevorder;
- meer klastyd vir opvoeders in die klas te skep;
- bestaande dele van die kurrikulum te verryk;
- om leer meer *leerder-gesentreerd* te maak.

### VOORDELE WAT DIE TOEPASSING INHOU:

- Meer klastyd deur “administratiewe aangeleenthede” op intranet te plaas.
- Bevorder *leerdergesentreerde leer* waar die leerder groter verantwoordelikheid moet neem vir haar eie leer.
- Gee opvoeder tyd om individuele aandag te gee.
- Bevorder leer as sosiale aksie deur samewerking met ander te bevorder.
- Plaas groter druk op die leesvermoë van leerders.
- Vereis dat leerders sowel as opvoeders meer innoverend moet optree.
- Maak leer meer toeganklik deurdat dit enige tyd gedurende die skooldag buite die klaskamer kan geskied.
- Kostebesparend deurdat leermateriaal kosteloos verskaf word.

### STRATEGIE VIR E-LEER:

Die vorm en toepassing van e-leer word gebaseer op beginsels wat in La Rochelle as noodsaaklik, prakties uitvoerbaar en bekostigbaar beskou word. Dit mag verskil van e-leertoepassings elders. Dit is ook logies dat bestaande sienings met verloop van tyd aangepas mag word.

- Die beginsels waarop e-leer in La Rochelle toegepas word, word die volgende aanvaar dat:
- leerders hul eie kennis skep (constructivism).
  - leer 'n sosiale aksie is.

Die spesifieke doelstelling van e-leer in La Rochelle is om:

- 'n nuwe manier van leer te bevorder.
- meer klastyd vir opvoeders in die klas te skep.
- bestaande dele van die kurrikulum te verryk.

Die aard van e-leer in La Rochelle is 'n *Hibriede tipe* van e-leer wat gevolg sal word. Dit beteken dat gewone klasonderrig die hoof tipe onderrig sal bly, maar dat dit afgewissel sal word met aanlyn-leer (Intranet en Internet).